

STJÓRNARTÍÐINDI B 111 – 1998

10. desember 1998

2541

Nr. 816

STARFSREGLUR

um embættiskostnað sóknarpresta.

1. gr.

Prestar og prófastar þjóðkirkjunnar fá greiddan embættiskostnað í samræmi við reglur þessar.

Til embættiskostnaðar teljast eftirtaldir kostnaðarþættir:

1. Skrifstofukostnaður.
 - 1.1. Afnot af húsgögnum á skrifstofu.
 - 1.2. Afnot af skrifstofuáhöldum.
 - 1.3. Pappír, skriffæri, handbækur o.fl.
 - 1.4. Ræsting og lýsing skrifstofurýmis.
 - 1.5. Kynding skrifstofurýmis.
2. Símakostnaður.
3. Póstkostnaður.
4. Embættisklæði.

Prestar og prófastar sem reka embættisskrifstofu á heimili sínu fá greiddan kostnað skv. liðum 1 til 3. Allir prestar og prófastar fá greiddan kostnað skv. 4. lið.

2. gr.

Skrifstofukostnaður samkvæmt liðum 1.1., 1.2., 1.3., og 1.4. í 1. grein greiðist mánaðarlega. Skrifstofukostnaður prests er ákveðinn kr. 4.200 en prófasta kr. 4.500.

3. gr.

Prestar og prófastar, sem búa í húsnæði, er prestssetrasjóður leggur þeim til, fá mánaðarlega greiddan kostnað við kyndingu vegna skrifstofurýmis sem hér segir:

1. Fyrir húsnæði, sem kynt er með olíu, rafmagni eða vatni frá hitaveitu á sambærilegu verði, greiðist kr. 1.284.
2. Fyrir húsnæði, sem kynt er með vatni frá hitaveitu á verðlagi, sem er allt að 60-80% af kostnaði skv. lið 1, greiðist 70% eða kr. 899.
3. Fyrir húsnæði, sem kynt er með vatni frá hitaveitu á verðlagi, sem er allt að 60% af kostnaði skv. lið 1, greiðist 40% eða kr. 513.

Fyrir húsnæði, þar sem prestar eða prófastar greiða óverulegan eða engan hitunarkostnað, kemur engin greiðsla fyrir upphitun skrifstofurýmis.

Biskupsstofa framkvæmir ofangreinda flokkun embættisbústaða í samráði við Prestafélag Íslands.

4. gr.

Símakostnaður greiðist þannig:

1. Stofngjald af sínum í bústöðum ríkissjóðs (eitt tæki) greiðist samkvæmt framlögðum reikningum, enda sé síminn skráður á embættið.
2. Prestar fá greidda mánaðarlega fjárhæð er samsvarar 500 umframskrefum vegna notkunar síma í embættisþágu. Á sama hátt greiðist próföstum fjárhæð er samsvarar 700 umframskrefum.

3. Nemi símanotkun presta á ársfjórðungi (þ.e. langlínusamtöl og símskeyti í embættisþágu eða yfirsímtöl) hærri fjárhæð en sem svarar 1.500 umframskrefum, hjá próföstum 2.100 umframskrefum, sbr. 2. tl., þá eiga þeir rétt á að fá helming umframkostnaðar greiddan gegn framlagningu reikninga. Umframfjárhæð má þó eigi vera hærri en sem samsvarar 2000 umframskrefum hjá prestum og 2400 umframskrefum hjá próföstum.

5. gr.

Póstkostnaður greiðist þannig:

1. Prestar fá greiddar mánaðarlega vegna póstkostnaðar kr. 500.
2. Prófastar fá greiddar mánaðarlega vegna póstkostnaðar kr. 800.
3. Telji prestur eða prófastur umrædda greiðslu ekki nægja fyrir nauðsynlegum póstkostnaði, þá getur hann fengið viðbótarkostnað greiddan í árslok gegn framvísun reikninga eftir úrskurði biskupsstofu.

6. gr.

Kostnaður vegna prestsklæða greiðist þannig:

1. Biskupsstofa leggur prestum og próföstum til hennu á hverjum 10 árum. Heimilt er þó að endurnýja hennu í fyrsta sinn eftir 5 ár.
2. Vegna annarra embættisklæða þ.m.t. prestakragar, prestaflibbar og prestavesti, svo og vegna hreinsunar embættisklæða, greiðist öllum prestum og próföstum mánaðarlega kr. 300.

7. gr.

Prestar og prófastar, sem ekki njóta prestssetra, skulu fá greidda mánaðarlega leigu fyrir afnot eigin húsnæðis í þágu embættis, sem nemur 10% af mánaðarlaunum í launaflokki sóknarprests, 6. þrepi.

8. gr.

Fjárhæðir samkvæmt 2., 3., 5. og 6. gr. skulu breytast í samræmi við breytingar er verða á vísitölu vöru og þjónustu, miðað við 114,8 stig.

Allar greiðslur samkvæmt reglum þessum greiðast eftir á.

9. gr.

Þegar prestur/prófastur er settur til að þjóna nágrannaprestakalli í aukþjónustu, ber honum greiðsla embættiskostnaðar skv. 2., 4., 5. og 6. gr. að hálfu.

Fyrir aukþjónustu vegna sumarleyfa presta greiðist embættiskostnaður í sama hlutfalli og föst laun.

10. gr.

Greiðslur skv. reglum þessum skerðast eigi þótt prestur/prófastur sé frá starfi vegna veikinda, sem nemur allt að einum mánuði. Sé veikindatími lengri falla niður greiðslur skv. 4. og 5. gr. Aðrar greiðslur haldast óbreyttar þann tíma sem laun í veikindum greiðast.

11. gr.

Starfsreglur þessar sem settar eru samkvæmt lögum um embættiskostnað presta og aukaverk þeirra nr. 36/1931, svo og heimild í 59. gr. laga um stöðu, stjórn og starfshætti þjóðkirkjunnar nr. 78/1997, öðlast gildi 1. janúar 1999. Starfsreglur þessar skal taka til endurskoðunar fyrir kirkjuþing að hausti 1999 og skal fjallað um þær að nýju á kirkjuþingi 1999.

Ákvæði til bráðabirgða.

Gildi reglna þessara er háð því að frumvarp um breyting á lögum um embættiskostnað presta og aukaverk þeirra nr. 36 8. september 1931 verði að lögum. Meðan svo er ekki, taka reglur þessar ekki gildi, þrátt fyrir ákvæði 1. mgr. 11. gr., og skulu þá eldri reglur um greiðslu embættiskostnaðar gilda.

Reykjavík, 10. desember 1998.

Jón Helgason
forseti kirkjuþings.

Gunnar Sveinsson
þingskrifari.

31. desember 1998

Nr. 817

BÆJANÖFN O.FL.

Menntamálaráðuneytið hefur – samkvæmt lögum nr. 35 18. febrúar 193 um bæjanöfn o.fl. – gefið út leyfisbréf fyrir eftirgreindum nöfnum á tímabilinu 1. janúar til 31. júlí 1998:

Í umdæmi sýslumannsins á Selfossi:

Ósavatn á skógræktarbýli úr landi Egilsstaða I, Villingaholtshreppi, Árnessýslu, Myrkholt á hrossaræktar- og þjónustubýli úr landi Kjóstaða II, Biskupstungnahreppi, Árnessýslu, Mön á loðdýrabýli úr landi Ása, Gnúpverjahreppi, Árnessýslu og Brúnir á smábýli/lögbýli úr landi Gnúpverjahrepps (upphaflega landi Skaftholts), Árnessýslu.

Menntamálaráðuneytinu, 31. desember 1998.

F. h. r.

Árni Gunnarsson.

Karitas H. Gunnarsdóttir.

31. desember 1998

Nr. 818

SAMÞYKKTIR

**um breytingu á samþykktum nr. 196/1997
fyrir Lífeyrissjóð starfsmanna ríkisins.**

1. gr.

Grein 2 orðast svo:

Sjóðurinn starfar í þremur deildum, A-deild, B-deild og séreignardeild (S-deild). Um aðild að hverri deild um sig fer eftir II. og X. kafla samþykktu þessara. Fjárhagur deildanna skal vera aðgreindur. Rekstrarkostnaði skal skipt á milli þeirra í hlutfalli við umfang hverrar deildar í rekstri sjóðsins samkvæmt nánari reglum er stjórn sjóðsins setur.

2. gr.

Fyrirsögn yfir 3.–7. gr. (verður 3.–9. gr.) verði þannig:

Stjórn sjóðsins, starfsmenn og innra eftirlit.